

**24 августышто финн-угор тўнян тўвыра рўдыверыштыже - Унчо селаште, регион-влак кокласе Угинде пайрем эртен. Тушто Марий Элын тўрлө районлаже, тыгак Удмуртий, Татарстан да Киров область гыч толшо фольклор коллектив-влак шке йўла ойртемештым ончыктеныт.**



У киндым шийыт.

маште кучылтмо тўрлө арверыштым - сорлам, сапондым, комдым, ленежым да тулеч молымат ужын, ик татлан тунамсе шурно пасужак шинча ончылан сўретлалте. Туштак, пайремым эртарыме верыште, фольклор коллектив-влак у шурно дене ыштыме кинде да пучымыш де не сийленыт, вужга мелнам, перемеч-когылым, тутло дечат тутло молочкышым тамлен ончаш ўжыныт. Пучымышым кузе шолтымо мастарлыкышт денат палдареныт. Параньга районысо Ондросола тўвыра пёртын усталык коллективше гыч ик мыскараче пучымышым "товар дене" кузе шолтымо нерген прояклыш. Кочкын ончышна, пучымышыжо пешак тамле ыле.

Кумылан-влак районысо тўвыра, спорт да туризм пёлкан эртарыме модыш конкурсышкыжо ушненыт. Йоча-влак дене пырля кугыен-шамычат чолгалыкыштым ончыктеныт.

Пайрем мероприяшты тидын дене мучашлалтын огыл. Кастене Унчо селасе тўвыра пёртыштө "Тургым телеспектаклым ончыктеныт. Тушто М.Шкетан лүмеш Марий кугыжаныш драме театрын артистше-влак модыныт.

Лариса ПЕТРОВА

# УНЧЫШТО - УГИНДЕ ПАЙРЕМ

"... Ош шыналыкым орвашке шарен пыштен, клат гычше урлыкым луктын оптен, комдыжым шынден, тырмажым пыштен, тичмаш киндыжым пыштен, пасушкыжо миен шуын, тырмажым кумык кудалтен, шыналыкым почын шынден, урлыкышым комдешыже темен, кум пырчетым кышкалын, тўжем шурнетым шочыкто. Тўнжым нугыдым, вондыжым омыж гае пенгыдым шочыкто, вуйжым тутто муно гае тутым ыште. Кинде Шочын, кинде Пўрышө, мланде ўмбалне ўдымө шурнет дене йывыртыкте. Удымө киндетым шуко мардеж деч, неле покышым деч, осал тул деч, сут коля деч, шуки-копшанге деч, шала вольык деч арален шого. Кинде гай пенгыде мелна гай кимда ош



Калык дене пырля.

МУТЫМ - УНА-ВЛАКЛАН

Геннадий Андреев, Арбор ял:

- 71 иаш улам. "У ял" ансамбльыш ушнымемлан ныл ий лиеш. Унчо кундемеш мый куанен толым. Тылеч ончыч сўан фестивалыштат лийынам. Калыкшак тыште марий шўлышан, поро кумылан. Сандене чонланат сайын чучеш.

Пытартыш жапыште такшат марий койыш утларак палдырна, виягеш. Самырык-шамычат шке калыкышт дече мелын савырнат.

Галина Ермолаева,

Удмурт республике, Варале ял:

- Мемнан ансамбльна "Варале сем" маналтеш.



